

V C
4002



h. 33



k. 335, 15.

V c
4002

COPIA
Des Mandats /

So Ihr Königl. Mayest.

GVSTAVUS ADOL-
PHUS, der Schweden / Gothen
und Wenden König / etc.

An die Intertbanen der
Wenden Fürstenthümer des
Mehlenburger Landes /
abgehen las-
sen.

Gedruckt im Jahr / 1630.

COPIA

Seal of the University of Halle

GUSTAVUS ADOLF

PHILIPPUS





Du Gottes Gnaden/ Wir Gu-
stavus Adolphus/ der Schwe-
den/ Gothen vnd Wendens König/
Grosßfürst in Finlandt/ Herzog
zu Estonien vnd Carelen/ Herr ober Inger-
manlandt/ etc. Fügen hiermit euch/ den bey-
den Fürstenthümern Meckelnburg eingeseße-
nen Untertanen/ Geistlichen vnd Weltlichen
Herren/ Adel/ Bürger vnd Baur/ kein Man
außgeschlossen/ hiemit sampt vnd sonders zu
wissen/welcher Gestalt Wir mit höchster Ver-
wunderung vernommen/ vnd gleichsam für
Augen ansehen müssen/ daß ewer nicht wenig/
ewre von Gott vorgesezte vhr alte Landesfürst-
liche hohe Obrigkeit/ Unsere freundliche liebe
Vettern/ Brüder vnd Gevattern/ die Hoch-
würdigen/ Hochgeborne Fürsten/ Herrn A-

A ij

dolph



dolph Friedrichen/ vnd Herrn Hans Albrecht-
ten/ Gebrüdere/ Herzogen zu Mecklenburg/
Fürsten zu Wenden/ Graffen zu Schwerin/
der Lande Kostock vnd Stargart Herren/ etc.
Als sie von dem General von Wallenstein/wi-
der die Göttliche vnd aller Völcker Rechte/ die
Natürliche Billigkeit vnd Reichs Satzungen/
Insonderheit aber dem hochverpönten Deut-
schen Landfrieden/ ohne einzige gegebene recht-
messige Ursache/ mit Kriegsmacht vberzogen/
wider Gottes außdrücklichen Befelch/ vnd
etwere schwere Pflicht/ Eynde vnd Schuldigkeit/
damit ihr/ so wol J. J. Gn. Gn. als etwem ge-
meinem Vaterlandt/ bevor auß aber der allein
seligen Evangelischen Gemeinde in Deutsch-
landt/ hoch verbunden/ dergestalt liederlich des-
ferirt vnd verlassen/ daß ihr den Rest damit
schändlich geärgert/ vnd zu gleichmessigem Ab-
fall verführet/ Ja euch theils gar in des Wal-
lensteiners Dienst/ ehe vnd bevor ihr von ge-
melter etwerer Landes Fürstlichen hohen Obriga-
keit

Zeit ewer Eyde erlassen/ vergessentlich begeben.
Wann Wir aber Uns in viel wege verbun-
den befinden/ Uns vnserer so nahen Bluts an-
verwandten/ wider dergleichen verfasten vnd
verdamllichen vngeachten Gewalt vnd Be-
trängnis/ durch vngewisselten Beystandt
des Allerhöchsten/ so weit mit Christlichem Eys-
fer anzunehmen/ daß sie zu dem ihrigen förder-
samst völlig wider gelangen mögen/ zumal
Uns/ als einem Glied der Evangelischen Kir-
chen/ obliegen wil/ auff die Conservation vnse-
rer allein seligmachenden Religion/ (anderer
numehr der ganzen Welt fürgelegten/ vnd vns
zu diesen Wassen bewegenden Ursachen zuges-
schweigen/) ein wachendes Auge zu haben/
vnd dann dero behuff/ (nach dem man
keine Hoffnung zu friedlichen Mitteln/ ober
vnsern angewanten Fleiß/ an der Gegen-
seiten erblicken wollen) numehr mit etner Ar-
mee zu Ross vnd Fuß/ nach glücklicher Erober-
ung des Kubnizischen Passes in Meckelnburg
angelans

angelanget: So wollen Wir euch sampt vnd
sonders / gnedigsten Ernstes / krafft dieses Un-
sers offnen Königlichen Brieffs / zuforderst
wolmeinendlich ermahnet haben / daß ihr an-
gesicht dieses / wie Christlichen / Rittermessigen /
vnd redlichen tapffern Vnterthanen gebühret /
nicht allein ewer Alten / von Gott vnd der Na-
tur vorgestellten Obrigkeit / dem Herzogen von
Mecklenburg widerumb beytretten / vnd euch
nach Vermögen wolgemeynet zu Uns in vnser
Läger / oder zu andern vnsern Troupen / wo die-
selben sonst in oder bey den Fürstenthumern
Meckelnburg anzutreffen / verfüget / Sondern
auch alle die jenigen / welche das Commando /
Namen vnd Titul des von Ballensteinis füh-
ren / prætendiren / oder demselben / es geschehe
auch vnter was prætext es wolle / in einige wege
assistiren oder zu Hülffe kommen / wie Feinde
vnd Räuber Gottes / der Evangelischen Kir-
chen vnd des Vaterlands / verfolgen / gefangen
nehmen / vnd zu Uns oberbringet / oberfallet /

nidera

niderschlaget vnd aufstreibet / vnd also nichts
mit allem vnterlasset / was zu oberwehnter etw-
rer Schuldigkeit erfordert wird. Dafern ihr
euch aber dem allermassen nicht nachsetze / son-
dern etwer vermeint Wolleben / Haab vnd Güt-
ter mehr als etwre Pflicht / Ehr vnd Seligkeit
respectirt vnd liebet / wollen Wir euch als Mey-
nendige / Treulose / vnd von ihrer Obrigkeit ab-
trünnige / ja ärgere Feinde vnd Verächter Got-
tes vnd seiner Kirchen / denn die Widerwert-
gen selber / mit Fehr vnd Schwerdt zuverfol-
gen / vnd zubeschaffen / vnvergessen seyn. Den
willfährigen aber hiermit nachbefindung / vn-
sern Königlichen Schutz / Günst vnd Gnade
mildiglich angeboten haben. Datum in vn-
serm Königlichen Hauptquartier Künitz / den
12. Octobris Anno 1630.

[Faint, illegible text, possibly bleed-through from the reverse side]

[Faint, illegible text, possibly bleed-through from the reverse side]

MC



Handwritten text on the left edge of the page, including a blue stamp and the letters 'MC' at the bottom.

ULB Halle 3
004 806 603



Handwritten number 'V017' in the bottom right corner of the page.





dolph Frit
ten/Gebirg
Fürsten
der Land
Als sie v
der die G
Natürlic
Insonde
schen Lan
messige
wider G
etwre sch
damit ih
meinem
seligen
landt/h
ferirt vn
schändli
fall verfi
lensteine
melter es



ns Albrecht
echlenburg/
Schwerin/
Herren/ etc.
llenstein/wi-
Rechte/ die
Satzungen/
enten Deut-
gebene recht
t vberzogen/
efelch/ vnd
Schuldigkeit/
ls etwrem ge-
ber der allein
in Deutsch-
liederlich de
n Rest damit
nessigem Ab
in des Wal-
or ihr von ge
hohen Obri
keit